

चीन् परिधीः॥स्ति॒स्रः॑ समि॒धः॑ । य॒ज्ञायु॑रनुसञ्च॒-
रान् । उ॒प॒वे॒षं मे क्ष॑णं धृष्टि॒म् । सम्भ॑रामि सुस॒म्भृता॑ ।
या जा॒ता ओष॑धयः । दे॒वेभ्य॑स्त्रि॒युगं॑ पु॒रा । तासां॑ प॒र्व-
रा॒ध्यास॑म् । प॒रि॒स्तर॑मा॒हरन् । अ॒पां मे॒ध्यं य॒ज्ञिय॑म् ।
स दे॒वः शि॒वम॑स्तु मे ॥ ९ ॥

आ॒च्छे॒ता वो॒ मा॒रि॑षम् । जी॒वा॒नि श॒रदः॑ श॒तम् ।
अ॒परि॑मितानां परि॒मिताः॑ । स॒न्न॒ह्ये सु॒कृ॒ताय॑ क॒म् ।
ए॒नो मा॒नि॒गां क॒त॒मच्च॑ ना॒हम् । पु॒न॒रु॒त्थाय॑ बहु॒ला भ॑-
वन्तु । स॒कृ॒दा॒च्छि॒न्नं ब॒र्हि॒रू॒र्क्षी॑मृदु । स्यो॒नं पि॒तृभ्य॑-
स्त्वा भ॑रा॒म्यह॑म् । अ॒स्मिन्त्सी॑दन्तु मे पि॒तरः॑ सो॒म्याः ।
पि॒ताम॒हाः प्र॑पि॒ताम॒हाश्चानु॑गैः स॒ह ॥ १० ॥

त्रि॒वृ॒त्प॒ला॒शे दु॒र्भः॑ । इ॒या॒न् प्रा॒देश॑स॒म्मितः॑ । य॒ज्ञे
प॒वि॒त्रं पो॑तृ॒तम॑म् । प॒यो ह॒व्यं क॑रोतु मे । इ॒मा प्रा॑णा-
पा॒नौ । य॒ज्ञस्या॑ङ्गानि स॒र्वशः॑ । आ॒प्या॒यय॑न्तौ सञ्च॒र-
ता॑म् । प॒वि॒त्रे ह॒व्यशो॑ध॒ने । प॒वि॒त्रे स्थो॑ वैष्ण॒वी । वा॒यु-
वीं मन॑सा पु॒नातु ॥ ११ ॥

अ॒यं प्रा॑णश्चा॒पान॑श्च । यज॑मान॒मपि॑ गच्छताम् ।
य॒ज्ञे ह्य॑भू॒तां पो॑तारौ । प॒वि॒त्रे ह॒व्यशो॑ध॒ने । त्वया॑ वेदिं
वि॒विदः॑ पृथि॒वीम् । त्वया॑ य॒ज्ञो जा॑यते वि॒श्वदा॑निः ।